



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. III. Solvuntur argumenta ex autoritate sanctorum Patrum,

[urn:nbn:de:hbz:466:1-77232](#)

recedentem, sive consequentem ad id quod implicat contradictionem : Sed implicat contradictionem hominem carentem gratiam congruam, vel concursu simultaneo operari : Ergo homo carentis gratiam congruam, vel concursu simultaneo, nullam habet potentiam, sive antecedentem, sive consequentem ad operandum. Simile argumentum potest fieri ad probandum Deum sine decreto efficaci creandi plures mundos, non habere potentiam antecedentem ad illos creandos : nam cum Deus sit agens liberum, implicat ipsum ad extra aliquid operari, sine decreto ejus omnipotentiam determinante & applicante. Hoc ergo argumentum purè sophisticum est, nec syllogismus, sed paralogismus dici debet. Unde datis premissis, neganda est consequentia, quia à sensu composito in minori, fit transitus ad divisum in consequentia. Ut valerer consequentia, oportet sic concludere : Ergo nullus habet potentiam ad operandum carentis auxilio efficaci, sive quod idem est, ad componendam operationem cum carentia auxilio efficacis. Ut pater in simili, nam si quis ita argueret: Nullus habet potentiam ad id quod implicat contradictionem : Sed implicat contradictionem non agentem agere : Ergo nullus non agens, habet potentiam ut agat : hæc consequentia mala est, optima vero si diceretur : Ergo nullus habet potentiam ut agat non agens, seu ut componat actionem cum actionis carentia.

§. II.

Alia solutio principialis argumenti.

^{190.} **A**lia solutio principialis argumenti insinuat^sur à D. Thoma 3. contra Gentes cap. 159. ubi sibi hoc argumentum obicit: Cum in finem ultimum aliquis dirigiri non possit sine auxilio gracie, sine qua etiam non potest habere fidem, spem, dilectionem, & perseverantiam : potest alicui visideri quod non sit homini imputandum, si predictis careat, præcipue cum auxiliu gratia mereri non possit, nec ad Deum converti, nisi Deus eum convertat. Cui argumento sic respondet: Ad hujus dubitationis solutionem considerandum est, quid licet aliquis per motum liberi arbitrij, divinam gratiam nec promereri nec advocare possit; potest tamen seipsum impedire, ne eam recipiat; & cum hoc sit in potestate liberi arbitrij, non immergit imputatur ei, qui impedimentum praefat gratiae receptionis. Itaque juxta hanc Doctoris Angelici doctrinam, dici potest Iudeos recte ac justè incrépatos fuisse à Christo, exemplo Tyriorum & Sidoniorum, non solum quia ipsis erant pares in auxiliis sufficientibus, quia dantur ad posse, sed etiam quia plura gratiae efficaci, quæ datur ad agere, impedimentum praestabant; ratione majoris cœcitatris, obstinationis, & indurationis: ut enim ait Augustinus de bono persever. cap. 14. Non erant sic exccati, nec sic induratum cor Tyriorum & Sidoniorum, quoniā credidissent, si qualia viderunt isti (scilicet Iudei) signa vidissent.

^{191.} **D**is/p. 5. art. 6. §. 2. Hanc solutionem fuisus exponemus Tractatu sequenti, ubi ostendemus peccatorem posse reddi indignum gratiam, illique resistere, duplice genere impedimentorum; quædam sunt antecedentia, nimirum peccata quæ præcesserunt, vel actualia, vel originalia; quorum licet interdum rationem non habeat Deus, sed suā infinitā misericordiā, superatis obstaculis, gratiam præbeat indignis, illique impedimentum præbentibus, tamen certum est, occasione illorum, Deum posse justè gratiam efficacem denegare, ex cuius carentia

& denegatione, alia peccata sequuntur. Sed præter illud impedimentum antecedens, quod potest multo tempore præcedere peccata inde sequuta, aliud est genus impedimenti concordans, prius tamen secundum genus causa materialis, ad quod sequatur primum peccatum; illudque vocat Joannes à S. Thomā, impedimentum culpe concomitantis, vel inconsiderationis: licet enim denegatio auxiliij efficacis, sit prior culpæ, veluti in genere causa efficientis, est tamen illa posterior, veluti in genere causa dispositiva, seu materialis; sicut dispositio concordantes formam, ad illam disponunt, licet ab ea per modum proprietatis dimanent: Calor enim, qui est dispositio ad formam ignis, est effectus profluenſ a forma ignis, inquit S. Doctor 3. p. quæst. 7. art. 13. ad 2. Vel sicut, licet apertio fenestræ effectivè procedat ab ingressu venti in aulam, ad illum tamen disponit, & in genere causa materialis, seu dispositiva, illum præcedit: vel etiam sicut gratia sanctificans, prout actu infunditur, & habet vim auxiliij efficacis, animam moventis, est prior in genere causa efficientis, actibus contritionis & charitatis; illis vero posterior, in genere causa materialis, seu dispositiva, prout habet rationem habitus, & qualitas animam sanctificantis, de quo fuse in Tractatu de justificatione & merito. Hæc vero distinctio, seu ordo prioris & posterioris, secundum diversum genus causa, in Schola Peripatetica & Thomistica, communiter receptum, & à Claudio Typhanio Societatis Jesu, in libro de ordine, deque priori & posteriori, fusus expositum, tanti momenti esse putat Cardinalis Delugo, ut eo constituto, dicat Thomistæ qui eō configurint, tutos esse ab argumentis, quæ contra præmotionem & gratiam efficacem à Recentioribus objici solent.

^{Dis/p. 6.}
^{art. 8.}

Solvuntur argumenta ex autoritate
Sanctorum Patrum.

DEx autoritate SS. Patrum in favorem scientie mediae, sic argumentantur Recentiores. Augustinus, Hieronymus, & alii SS. Patres, querunt, Cur creaverit Deus Angelos, quos sciebat peccatores? Cur creaverit Adamum, quem sciebat lapsum? quod est querere, quomodo præscientia futuri peccati, non impedit voluntatem creandi peccatorem? Sed hac præscientia non potest esse alia, quam scientia media: Igitur de mente SS. Patrum illa admittenda est. Minor probat primò, quia SS. Patres loquuntur de præscientia, quæ potuit impeditre voluntatem creandi peccatorem: At hæc non potest esse absoluta, sed tantum conditionata, ac proinde scientia media: Ergo &c. Secundò, SS. Patres loquuntur in his locis de scientia directiva divini decreti: Sed hæc est scientia media: Ergo loquuntur de scientia media.

^{Dis/p. 6.}
^{art. 8.}

Respondeo concessa Majori, negando Minorem. In his enim testimoniis quæ plurima refert Ruiz nullum est leve vestigium, vel tenuis umbra scientie mediae, ut recte annotavit Claudius Typhanus, in libro de priori & posteriori: Agunt enim SS. Patres de scientia Dei absoluta, & respectu eorum quæ revera absolute futura sunt, non autem quæ tantum conditionatae; nam loquuntur de præscientia peccati Angelorum, & primorum parentum, quam constat fuisse absolutam. Falso igitur, & planè con-

^{Dis/p. 6.}
^{art. 8.}

Tom. I.

DISPV TATIO SEXTA

tra Sanctorum Patrum mentem, Suarez, Ruiz, Petrus à S. Joseph, aliquae Recentiores, ea interpretantur de scientia media, & præscientia conditionata lapsus Angelorum & hominum, quam volunt præcedere ratione absolutum decreum eos creandi. Nam SS. Patres solum loquuntur de præscientia lapsus, antecedente executionem creationis Angelorum & hominum; non autem de præscientia antecedente decreum & voluntatem eos creandi: non querunt enim cur decreverit, aut voluerit Deus creare Angelos, & primos parentes, quos sciebat peccatores? sed cur creaverit Angelos &c.

Addo quod, quamvis datur SS. Patres loqui de præscientia conditionata peccati Angelorum, antecedente decreum creationis ipsorum; hæc tamen præscientia, non esset scientia media; quia esset fundata in decreto permisivo, non vero eó anterior. Unde sensus quæstionis facta à SS. Patribus relatis, esset iste. Cùm Deus in decreto conditionato quod habuit permittendi lapsum Adami, & peccatum Angelorum, ipsorum peccatum & lapsum præviderit, cur eos creare decrevit, & cur talis præscientia in decreto permisivo fundata, non impedivit voluntatem eos creandi: Ex quo patet responsio ad primam probationem Minoris.

Ad secundam, concessa Majori, neganda est Minor: Ut enim suprà ostendimus, Deus in suis decretis absolutis, non dirigitur per scientiam medium, sed per scientiam simplicis intelligentiae, quæ comprehendit suam omnipotentiam, & vim ac efficaciam infinitam suorum auxiliorum, quæ potest substantiam & modum libertatis, in nostris operationibus attingere, & efficere quod infallibiliter simul & liberè operemur.

Secundò pro scientia media arguunt quidam ex Adversariis, in hunc modum: SS. Patres frequenter docent multa esse à Deo præscita, quæ non sunt prædestinata, & præscientiam latius patere quā prædestinationem: Ergo admittunt in Deo scientiam medium. Consequentia videatur manifesta, nam scientia media, est cognitio futurorum, independens à decreto, & prædestinatione seu prædefinitione voluntatis divinæ, eoque anterior. Antecedens vero probatur ex Augustino de prædestinat. Sanctor. cap. 10. ubi sic ait: *Prædestination est quæ sine præscientia esse non potest: potest autem esse sine prædestinatione præscientia.* Idem habet S. Prosper in responsionibus ad capita Gallorum resp. 15. & Fulgentius cap. 29. libri primi ad Monimum. Item D. Thomas quæst. 6. de verit. art. 2. docet præscientiam in Deo non importare universaliter habitudinem causæ, respectu horum quorum est; prædestinationem vero addere præscientiæ habitudinem causæ.

Respondeo primò, D. Augustinum, & alios SS. Patres, locis citatis loqui de præscientia futurorum absolutorum, ac proinde illos non favere scientiæ mediæ, & ab ipsis Adversariis esse exponendos: illi enim non admittunt præscientiam absolutorum, anteriorem decreto, & ab illo independentem.

Respondeo secundò, quod quando SS. Patres docent multa esse à Deo præscita, quæ non sunt prædestinata, loquuntur de peccatis formaliter quæ talia sunt, & quatenus sunt contraria reæ rationi & legi divinæ: sic enim non sunt à Deo prædestinata, vel prædefinita, sed tantum permissa; cùm Deum nullum habeat decreum posi-

tivum, sed tantum permisivum de illorum futuritione, unde illius præscientia latius se extendit, quam prædestinatione, vel prædefinitione, quæ versatur solum circa actus bonos, non autem circa malos, ut mali sunt, & reæ rationi disformes. Quod autem hæc sit vera & germana mens Sanctorum Patrum, constat ex Augustino, qui post verba in argumento relata, statim subjungit. *Prædestinatione quippe Deus ea præscivit quæ fuerat ipse facturus, unde dictum est, fecit quæ futura sunt: præscire autem potest quæcumque non facit, sicut quæcumque peccata.*

Quare diligenter observandum est, hæc tria, scilicet præscientiam, prædefinitionem, & prædestinationem, ita inter se comparari, ut præscientia latius pateat, & ad plura se extendat,

quam prædefinitione; sicut & prædefinitione in sensu magis amplio interdum usurpetur, quam prædestinatione. Præscientia enim, non solum extenditur ad bona, sed etiam ad mala, & ad peccata, quæ Deus nec prædefinit, nec prædestinat, sed tantum permittit. Similiter prædefinitione extenditur ad omnia quæ cadunt sub divina providentia, tam naturali, quam supernaturali. Prædestinatione vero, si strictè & in rigore accipiatur, & prout est specialis providentia prædestinatis propria (ut communiter usurpari solet à Theologis) terminatur solum ad bona opera ordinis supernaturalis, & ad media quibus electi vitam aeternam infallibiliter consequuntur: licet frequenter ab Augustino, & aliis SS. Patribus, prædefinitione, & prædestinatione (ut suprà annotavimus) pro eodem usurpetur.

Ex quo facile intelliges locum D. Thomæ in argumento relatum: quando enim S. Doctor dicit præscientiam in Deo, non importare universaliter habitudinem causæ, respectu horum quorum est, sicut importat prædestinatione; loquitur de præscientia universaliter sumpta, & prout se extendit ad peccata, quæ non caufantur, sed tantum prævidentur à Deo; & quorum Deus non habet decreum positivum, sed tantum permisivum. Neque oblat quod quæst. 12. de verit. art. 10. ad 2. dicat, quod *præscientia excedit prædestinationem, non solum in malis, sed etiam in bonis.* Ibi enim loquitur de prædestinatione strictè sumpta, & prout est specialis providentia prædestinatis propria: sub qua ratione exceditur tum à præscientia, tum à prædefinitione; quia, ut antea dicebamus, prædefinitione strictè sumpta, est solum respectu actuum supernaturalium, quæ sunt media quibus electi aeternam felicitatem consequuntur; prædefinitione vero & præscientia, versantur circa actus etiam naturales, quæ non sunt media, & effectus prædestinationis.

Quod autem hæc sit germana mens S. Doctoris, constat ex ejus verbis, sic enim loquitur: *Non autem excedit præscientia prædestinationem in malis solum, si prædestinatione strictè accipiatur, sed etiam in omnibus bonis, quæ non sunt solum virtute divinæ.* Ubi notanda & ponderanda sunt illa verba, *si prædestinatione strictè accipiatur:* ex his enim aperte colligitur, S. Thomam nullam agnoscere in Deo præscientiam, anteriorem decreto, & prædestinatione voluntatis divinæ, largè sumpta, & prout idem sonat ac prædefinitione; nec proinde ullam scientiam medium. Si enim illam admireret, non debuisse addere illam restrictionem, *si prædestinatione strictè accipiatur,* sed universaliter, & sine illa modificatione afferre, præscientiam in Deo excedere prædestinatione.

- nem, seu prædefinitionem voluntatis divinae.
199. Objicies tertio: D. Chrysostomus homil. 31. & 65. in Matthæum, agens de vocatione D. Pauli & D. Matthæi, ait: *Deum tunc eos vocasse, quando noverat consensuros.* Item D. Augustinus libro 1. ad Simplic. quæst. 2. dicit, *Deum sic vocare eum cuius misericordia, quomodo scit ei congreuere, ut vocantem non respuat.* Et libro de sex quæstionibus Paganorum, quæst. 2. contra Porphyrium, dicit, *Deum tunc voluisse hominibus apparet, quando & ubi sciebat, qui in eum fuerant credidit.* Ergo SS. Patres admittunt in Deo aliquam præscientiam futurorum, independentem à decreto, ac proinde scientiam medium.
200. Ad locum Chrysostomi responderet Cardinalis Toletus Annotat. 54. in caput 5. Lucae, quod quando Chrysostomus dixit, *Deum tunc vocasse Apostolos, quando præscivit obtemperatus, intelligendus est, Deum eos vocasse, quando præscivit se operaturum in illis ut obtemperarent.* Nisi sic intelligas doctrinam Chrysostomi (inquit) illi non consentio, sed contrarium omnino veram existimo. Nec mirum: est enim solutio, & doctrina quam tradit Augustinus cap. 18. de dono persever. ubi hanc statuit regulam: *Quando apud aliquos verbi Dei tractatores, reperiuntur nomen præscientia, & agitur de vocatione electorum, nomine præscientia, intelligi debet prædestination: id est præscientia, in decreto & prædestinatione fundata.* Unde quando ipse Augustinus dicit, *Deum sic vocare homines, quomodo scit eis congreuere &c.* Hoc ita intelligendum est, juxta regulam quam ipsius tradit: *Deum sic eos vocare, quomodo prædestinat eis congreuere, ut vocantem non respuant.*
201. Ad aliud testimoniū ex libro de sex quæstionibus Paganorum desumptum, constat ex supra dictis, illud a Semipelagianis fuisse olim allegatum, ad probandum dari in Deo præscientiam conditionatorum, à decreto independentem; & ab ipso Augustino expositum, libro de prædest. Sanctor. cap. 10. ubi dicit, *se id quod in prædicto opusculo afferuerat, intellexisse sine præjudicio latens consilij Dei, & sine exclusione decreti, quō Deus prædestinaverat, Gentiles, visis Christi miraculis, credituros.*
202. Objicies quartο: D. Thomas 3. parte quæst. 1. art. 3. ad 4. dicit, quod *prædestination supponit præscientiam futurorum:* At non in statu absoluto, alias prædestination in nobis haberet causam meritoriam: Ergo in statu conditionato, & consequenter futura conditionata cognoscuntur à Deo, ante decretum liberum suę voluntatis, per scientiam medium. Et in 1. dist. 46. qu. 1. art. 1. ait, quod *voluntas Dei presupponit præscientiam operum:* Ergo &c.
203. Respondeo in primo testimonio sermonem esse de absolute futuris, ut constat ex intento argumenti: nam intendit prædestinationem Christi fuisse post prævisionem peccati Adami, illamque supposuisse: præviso autem peccati, quam supponit prædestination Christi, non est conditionata, sed absoluta, ut clarum est in via S. Thomæ. Nec ex hoc sequitur, dari in nobis causam meritoriam prædestinationis: quia, ut acutè notat Caietanus, futura quæ prædestination non supponit, sunt illa quæ per prædestinationem non constituantur, id est quæ in suo esse à prædestinatione non dependet, nec elicitive, nec imperative: omne autem meritum in prædestinatis, est effectus prædestinationis, ideoq; non supponitur prævisum
- A ad illā, nec datur causa prædestinationis in nobis.
- In secundo testimonio loquitur D. Thomas de reprobatione positiva, sive de voluntate consequente, quam Deus habet infigendi reprobis pœnam æternam: quæ voluntas præsupponit præscientiam malorum operum, & ab ea dependet in genere causa materialis, & demeritoriae, ut ibidem docet S. Doctor, his verbis: *Voluntas consequens præsupponit præscientiam operum, non tantum quam causam voluntatis, sed securitatem volit.* Verum hæc præscientia non est conditionata, sed absoluta; nec independens à decreto, eoque anterior, sed fundata in decreto positivè concurrendi ad entitatem actus mali, & permittendi ipsam inaliam, & deformitatem, ut supra fusè declaravimus.
- Dip. 4.
art. 6.
- §. IV.
- Occurritur argumentis cuiusdam Recentioris.*
- P ro scientia media pugnat Petrus à Sancto Ioseph disp. 2. sua defensionis S. Thomæ, sc̄t. 10. ubi sic argumentatur. Deus certissimè cognoscit Petrum v. g. convertendum: Sed id non potest certò cognoscere in decreto absoluto, & prædeterminante ipsum actum conversionis Petri: Igitur per scientiam aliquam medium, Major est certissima, Minorem autem probat primo, quia sèpe docet S. Thomas, effectum contingente & liberum, in suis causis non posse certò cognosci, ab intellectu etiam divino. Secundo, quia ejusmodi decretum prædeterminans eripere libertatem Petro: esset enim antecedens respetu conversionis Petri, & illo posito, fieri non posset, quin Petrus convertatur. Tertiò, quia in decreto illo prædeterminante conversionem Petri, Deus ei preparat media ineluctabilia, & qua singula effectum sunt habitura: hoc autem repugnat S. Thomæ quæst. 6. de verit. art. 3. ubi docet, Deum ad salutem prædestinati præparare media, ex se quidem defectibilia, quorum tamen aliqua, aliis deficientibus, effectum sint habitura: ex quo infert in sententia D. Thomæ admittendam esse scientiam medium, quâ Deus certò cognoscat, quænam ex mediis illi præparatis, effectum habitura sint, & dirigatur ad ea tribuenda, cùm opus fuerit.
- Respondeo concessa Majori, negando Minorē, ad cuius primam probationem, concedo S. Thomam vere quidem & rectè negare effectus liberos & contingentes, non posse certò cognosci in causis secundis nudi sumptis, & antecedenter ad divinum decretum consideratis; cùm sub ratione indeterminata sint ad agendum, & indifferentes ad utrumlibet: nego tamen inde sequi, S. Doctorem velle eos cognosci à Deo, ante decretum, per scientiam medium; sed in ipso decreto, sive potius in sua essentia, ut determinata per illud, & in presentia sua æternitatis. In hoc enim duplice medio, docet D. Thomas, omnia futura contingentia, certò à Deo cognosci, ut supra ostensum est.
- Dip. 4.
art. 5. &
- Ad secundam probationem, negandum est decretum illud quod Thomistæ appellant prædeterminans, eripere libertatem, nam potius est prima causa, primaq; veluti radix totius libertatis actualis; cùm ab illo tanquam à prima causa, primoque principio, procedat libera determinatio nostræ voluntatis, in qua ipsa libertas actualis constituit.
- Neque valeat si dicas, causam liberam debere seipsum determinare, ac proinde causare suam determinationem, non vero à Deo determinari. Nam
7.
203.
- S. iij

Tom. I.